



მამუკა ცუხიშვილი

გაიოზ რეტრონი „არა რაი არს ესრეთ ტებილ ვითარცა სიყვარული მამულისა“.¹

სარწმუნოებრივად მოაზროვნე ადამიანებისთვის გასაკვირი აღარ არის ის ფაქტი, რომ საქართველოს ყოფილი ხელისუფლების მხრიდან აღიარებული პროდასავლური კურსი გაცილებით დიდი საფრთხეების შემცველია, ვიდრე სარგებელისა და განსაკუთრებულ საშიშროებას უქადის დიდი ისტორიის მქონე ქართველ ხალხს და მის მომავალს, მაგრამ ეს სრულებითაც არ ადარდებს არც გარეშე და არც იმ შინაურ მტრებს, რომლებიც როგორც ხელისუფლებაში, ისე ოპოზიციაში ასე მრავლად არიან.

რუსეთთან კეთილმეზობლური, დიპლომატიური და პოლიტიკურ-კულტურული ურთიერთობების აუცილებლობაზე ჯერ კიდევ XVIII საუკუნის დასაწყისში წერდნენ ჩვენი ერის გამორჩეული შვილები. მათ რიცხვში თამამად შეიძლება დავასახელოთ აღმოსავლეთ საქართველოს კათოლიკოს-პატრიარქი დომენტი IV² რომელმაც 1737 წლის 12 მაისს ტყვეობიდან ახლადგათვისუფლებულმა შემდეგი სახის წერილი გაუგზავნა რუსეთის იმპერატორს ანას³: „ქ. ბრწყინვალეთ უზეშთაესო, უმაღლესო და უდიდებულესო, ძლიერო, უძლეველო ხელმწიფეო დიდისა სამეუფოსა ქალაქისა მოსკოვისა და ყოვლისა

¹ ხეც, ფონდი H-96, მინაწერი ბარონ დე პოლნიცას ქართველ ენაზე თარგმნილ თხზულებაზე, რომელიც გაითვალისწინებული ჰქონდნა ბატონიშვილს გიორგი გახტანგის ძეს.

² დომენტ IV (დამიანე ბაგრატიონი) აღმოსავლეთ საქართველოს კათოლიკოს-პატრიარქი 1705-1741 წლებში, მეფე ვახტანგ VI-ის მმ. 1707 წელს ირამი ქწვია შაპს და დაამტკიცებინა საკათალიკოსო და კახეთის ხელისუფლთა მიერ უკანონოდ მიტაცებული მამულები. ოსმალთა ბატონობის წინააღმდეგ გამოვლენილი პროტესტის გამო 1727 წელს დააპატიმრეს და გადაასახლეს სტამბოლის მახლობლად კუნძულზე, სადაც ტყვეობაში გაატარა 9 წელიწადი, ხოლო საშობლოში დაპრენდა 1739 წელს. დომენტი კათალიკოსი მრავალმხრივი მოღვწევე და ღირსეული იერარქი იყო.

³ ანა ფანეს ასული რომანოვა, რუსეთის იმპერატორი 1730-1741 წლებში.

დიდისა რუსეთისაო, ასულო დიდისა ხელმწიფის იოგანესაო, უფალო ანნა, შეყვარებულო უფლისა ჩვენისა იესო ქრისტესა: მაღლი, მშვიდობა და ზიარება სულისა წმიდისა და საზომისაებრ ჩემისა მიერ ლოცვა, კურთხევა იყავნ თქვენზედა თვითმპრობელო ხელმწიფევ-იყავნ სახელი უფლისა, რომ თქვენს ამაღლებულსა და ძლიერსა და უძლეველსა ტახტზედ კეთილად და მშვიდობით, სასოებითა და სარწმუნოებითა, სათნო ღმრთისა და სადგურ და სავანე სულისა წმიდისა სუფევ და იყოფები: აწ, ვილოცავ და ვევედრები უფალსა ჩემსა იესო ქრისტესა, რათა დაგიცას და დაგიფაროს და მოგივლინოს ანგელოზი თვისი მშვიდობის მცველად თქვენდა ხილულთა და უხილავთა მტერთა თქვენთა საძლეველად, მოგხედოს თვალითა თვისითა ტკბილითა, აღგადგინოსთ ცხედრისაგან უძლურებისა და გიხსნას ყოვლისა ჭირისა, შეწუხებისა და განსაცდელისაგან, მოგცეს სიმთელე, სიცოცხლე, განგურნოს და განგაცხოველოს, რამეთუ, ვიყვენით ჩვენ წელსა ცამეტსა ტყვეობასა და ექსორიობასა დიდ ჭირსა შინა, მაშინ უკვე გვექმენით მოწყალე და მწყალობელი შწვენითა და წყალობითა თქვენითა გამოვიზარდენით: ღმერთმა მოგანიჭოსთ მაღლი და მშვიდობა, შეგინდოს ყოველი უსჯულოებანი და ცოდგნი თქვენნი, მოგიტყვნეს ყოველი შეცოდებანი რაოდენნი ჰსცოდე წინაშე ღმრთისა ვითარცა კაცმან ხორციელმან სიტყვით, საქმით და გონებით, ნებსით და უნებლიერ. ყოვლითა სახითა, შენდობილ და განთავისუფლებულ გყოსთ ყოვლად-ძლიერისა ხელმწიფებისა და მაღლისაგან სამღლოსა და თავების-საცემელისა სულისა მიერ მაღლითა და მეოხებითა უფლისა ჩვენისა ქრისტე იესოს მიერ და მშობლისა მისისა ყოვლად-უხრწელისა დედოფლისა ჩვენისა, ღმრთის-მშობელისა მარადის ქალწულისა მარიამისაგან და ყოველთა წმიდათა, ამინ. ახლა, ამას მოვახსენებ თვით-მპრობელს, დიდ ხელმწიფეს, აქამდინ ბოხჩას ექსორია ვიყვენით, ახლა ყიზილბაშის ელჩმა გვითხოვა, აქ, სტანბოლს მოგვიყვანეს: ახლა ამას მოვახსენებთ და ვეხვეწებით, რომ ჩვენი ქვეყანა და სამწესო საქართველო უსჯულოთ თათართ როგორ წახდინეს, ყველა მოქსენება. იქ ჩვენგან აღარ გაიძლება, აქ მცველი და მფარველი არავინ გვევას, არცა რა საზრდო გვეპოვება რამ. ამთონი დიდის ხელმწიფის წყალობა იყოს, რომ ეური მოგვიგდოს, მოწყალება ყოთ, გვიპატრონო. ერთს აღაგს დაგვაეცნოთ და გაგაძლებინოთ აშტრახანი იყოს, თუ თერგი, თუ სილალი, თუ თარიღუ, თუ დარუებანდი. ამაებს აღაგში საზრდოს და სარჩოს წყალობაც გვიყონ: მაგათა მლოცველი და მომხსენე-

ბელი მაგათ საფარველს ქვეშ ვიყვნით, რომ არა ვისი ფიქრი და შიში გვქონდეს, რომ არავინ რა შევცოდოს და გვწყინოს, ჩეკნთვის უზრუნველათ ვიყვნეთ კიდევ ამას ვეზენებით დიდს ხელმწიფეს და მოვახსენებთ საცა ვიყვნეთ, აქა თუ სხვაგან, ხელმწიფის წყალობა და ულუფის წყალობა გვეძლეოდეს, მაგათი მღლოცველი და მომხსენებელი დღი და ლამე გვამყოფონ.

ქ. წარმოვიდა სამეუფოს ქალაქს კონსტანტინეპოლიდამ თვესა მაისსა იბ ქრისტეს აქათ ჩდლზ.

კათოლიკოს-პატრიარქის დომენტი“.

კათოლიკოს-პატრიარქის დომენტი IV წერილში ასახულია ის გაუსაძლისი რეალობა, რომელიც სუფევდა XVIII საუკუნის საქართველოში. აქედან გამომდინარე, აღმოსავლეთ საქართველოს მწყემსმთავარმა გადადგა მართებული ნაბიჯი და დახმარებისთვის რუსეთის იმპერატორს მიმართა. რამდენადაც გათათოების საფრთხე გარდაუვალი, საქართველოს ხსნის სხვა გზა, გარდა რუსეთისაგან გაწეული შემწეობისა, არ ჩანდა. მით უმეტეს, რომ ქართველ პოლიტიკოსებს დასავლეთ ევროპაში სულხან-საბას მოგზაურობის შედეგად უკვე შეძენილი პქონდა გამოცდილება იმისა, რომ ე.წ. ქრისტიანული დასავლეთი ყოფნა-არყოფნის ზღვარზე მდგომი პატარა მართლმადიდებლური ქვეყნის გადასარჩენად თითსაც არ გაანძრევდა.

სად და ვისთან უნდა ეპოვა ხსნა და გამოსავალი მაკმადიანური აგრესორი ქვეყნებისაგან ყოველი შხრიდან შევიწროვებულ ქართველს, რომელიც ოდითგანვე ისე მძლავრად ისტრაფვოდა კულტურული დაწინაურებისაკენ, რომ ამ გზაზე თვით ისეთი მაღალი კულტურის მქონე ქვეყნის მხარდამსარ სიარულს ახერხებდა, როგორიც ბიზანტია იყო?

გარდა იმისა, რომ იმ დროისთვის რუსეთში ახალ რელსებზე იყო შემდგარი კულტურისა და ხელოვნების, მეცნიერებისა და განათლების ყველა დარგი, უმთავრეს ფაქტორს მაინც ერთმორწმუნეობა წარმოადგენდა: რუსეთი მართლმადიდებლური ქვეყანა იყო.

საქართველო-რუსეთის მეცნიერებებისათვის საფუძვლის ჩამყრელად მეფე-პოეტს არჩილ II-ს⁴ მიიჩნევენ. მან მოსკოვში დააფუძნა ქართველთა სათვისტომო, სადაც ფართოდ გაიშალა კულტურული მოღვაწეობა, რასაც ხელს უწყობდა რუსეთის საიმპერატორო კარზე

⁴ არჩილ მეფე 1699 წელს გადასახლდა რუსეთში, დაუახლოედა პეტრ I, ასევე იმპერატორის კარზე საქოდო დაწინაურდა არჩილის გავი აღიქსანდრუ. მეფევიზოულმა არჩილმა ბინა მოსკოვის მახლობლად, სოფელ გსესვიატკოეში დაიდო. იქვე შექმნა პოეტური შედევრები და იქვე აღესრულა 1713 წელს. დაკრძალულია დონის მონასტერში.

ალექსანდრე ბატონიშვილის დაწინაურებაც.

არჩილ II ერთად რუსეთ-საქართველოს შორის მეგობრობის „ხილის“ შენებლობაში აქტიურად მონაწილეობდნენ: ბაგრატ სოლო-ლაშვილი, დავით თურქესტანიშვილი, დიმიტრი სააკაძე, გაბრიელ ჩხეიძე, პეტრე ნექაძე და სხვები.

განსაკუთრებით აღსანიშნავია ამ თვალსაზრისით დიდი ქართველი მეცნიერის, გეოგრაფისის, კარტოგრაფის, ისტორიკოსისა და ეთნოგრაფის ვახუშტი ბატონიშვილის, ბაგრატიონის⁵ მოღვაწეობა რუსეთ-საქართველოს ურთიერთობის დასაწყისში. ცნობილმა მეცნიერ-მკვლევარმა 1755 წელს ფასდაუდებელი წვლილი შეიტანა მოსკოვის სახელმწიფო უნივერსიტეტის დაარსების საშვილიშვილო საქმეში, რასაც ადასტურებს უნივერსიტეტის მთავარი შენობის შესასვლელთან დაფაზე ოქროს ასოებით ამოტვიფრული ვახუშტი ბაგრატიონი, სახელების დედოფალი ელისაბედი, გრაფი შუვალოვი, მიხეილ ლომონოსოვის გვერდით.⁶

აღსანიშნავია 1739 წლის ხოთინის ციხესთან გამართული ბრძოლა, სადაც თავდადება და გმირობა გამოიჩინა ქართველ პუსართა პოლკმა და საიდანაც იწყება რუსეთის არმიაში ქართველთა ბრძოლისა და სამხედრო თავდადების სამაგალითო ისტორია. სხვათა შორის, ამ ბრძოლაში მონაწილეობა მიიღო დავით გურამიშვილმა:

„ათას-შვიდას-ოც-და-ცხრამეტს

ხითონის კარს ვთხლიშეთ კუტი,

ორმოც-და-ორს ფინდრელაქნს

ცეცხლით გამოგბუგო შვეტი“. ⁷

ბიზანტიის დაცემის შემდეგ, მრავალი საუკუნის განმავლობაში მაკმადიანებისა ალყაში მოქცეულ ჩვენს ქვეყანას რუსეთთან შეერთებამ, კვლავ გაუხსნა გზა ქრისტიანულ კულტურასთან ურთიერთობისა. იოანე ხელაშვილის ⁸ ხედვით, რუსეთი „აღათოებს განათლებისა ლამპარსა ქუეყანასა შიგან ჩუენთა ქართლოსიან იბერიელთასა და ესრეთ იწყებს სიბრძნე და ხელოვნება სუფერვასა სამა-

⁵ ვახუშტი ბატონიშვილი დაიბადა 1693 წელს, 1717 წელს დაქორწინდა მარიამ გიორგი აბაშიძის ასულზე. ვახტანგ VI განჯაში ყოფნის დროს ასრულებდა ქართლის სამეფოს გამგებლის მოგალევობას. 1724 წელს რუსთში გაპყვა ვახტანგ VI, მოსკოვში დასახლდა, დაქნიშნა სახელმწიფო ჯამაგირი, იქვე მოღვაწეობდა სიცოცხლის ბოლომდე და აღესრულა 1757 წელს. დაკრძალულია მოსკოვში.

⁶ История Московского университета. Т. 1—2. М., 1955. гв. 398.

⁷ დ. გურამიშვილი, დავითანარი, თბ., 1967, გვ. 45

⁸ იოანე (იონა) ხელაშვილი (1754-1837 წწ.), გამოჩენილი ქართველი სასულიერო მოღვაწე, მწიგნობარი, თეოლოგი, ფილოსოფოსი.

რადისო ცხოვრებად, რომე თითოეულთა თვისითა ნიჭითა და სწავლისა შეწყნარებათაგან იქმნებიან ნეტარეულ და ენებთა ევროპისა მეტყუელ და მთარგმნელ ჩვენისა დედისა ენასა ზედა“⁹.

იმ დიდ სასულიერო, პოლიტიკურ თუ კულტურის მოღვაწეთა შორის, რომლებიც საქართველოს სულიერი და კულტურული ამაღლების გზას მეზობელ ქრისტიანული ერთან მჭიდრო ურთიერთობაში ხედავდნენ, გაიოზ რექტორი იყო.

მისი გვარი დღემდე უცხობია. „საქმეს აძნელებს ის, რომ გაიოზი ხელს აწერს ყველგან სახლმოხელეობით, სახელდობრ: გაიოზ რექტორი, გაიოზ მოზღვოკული, გაიოზ პეტელი, გაიოზ ასტრახანელი და სხვ.“¹⁰ — წერს ტრ. რუხაძე და სამართლიანად შენიშვანებს: „გაიოზს გვარი ნამდვილად აღარ სჭირდება, რადგან ის სახელოვანი ქართველია“.

ნ. მთვარელიშვილს მიაჩნია, რომ გაიოზი „არის გვარად ნაცვლიშვილი, ღარიბ აზნაურთაგანი“¹¹. პ. კარბელაშვილი თვლის, რომ „გაიოზ რექტორი გახლავთ თაყაშვილ-ბარათაშვილთა გვარიდან“¹². ი. რაინეგსი, რომელსაც პირადი ნაცხობობა პქონდა გაიოზ რექტორთან, მას მიიჩნევს ვაგოშაშვილთა გვარის წარმომადგენლად.¹³

თეიმურაზ ბატონიშვილი იყო გაიოზ რექტორის თანამედროვე, მასზე მასალები პირველად მოიძია ა. ცაგარელმა და შემდეგ წიგნად გამოსცა. ჩვენ ასევე გავეცანით თეიმურაზ ბატონიშვილის ფონდს, სადაც ვკითხულობთ: „წიგნი ველისარიონი, ღირსი ხსოვნისა საქმენი და შემთხვეულებანი“, რუსულიდამ თარგმნილი გაიოზ არხიერეისგან, აშტრახანის არხიეპისკოპოსისა; ესე იყო პ-ლ საქართველოსა, კახეთსა ქალაქებისა თელავის საკეთილშობილოთა მოძღვარი, ხ-ო თვით იყო თავადთა ბარათაანთაგანი თაყაშვილი, აღზრდილი სამეცნიეროთა ყოველთა კათოლიკოსის მიერ ანტონი პირველისა“.¹⁴

გაიოზ რექტორის თაყაშვილ-ბარათაშვილის გვართან კავშირს ადასტურებენ იოანე და ბაგრატ ბატონიშვილები¹⁵ და ტრ. რუხაძე¹⁶.

⁹ ითან ხელაშვილი, ოცდათოთხმეტი შეკითხვის წიგნი, წიგნი გამოსცა და წინასიტყვაობა დაურთო გ. დედაბრიშვილმა, თბ., 1967, გვ. 31

¹⁰ ტრ. რუხაძე, გაიოზ რექტორი, გაზ „სახალხო განათლება“, თბ., 1956, # 39.

¹¹ 6. მთვარელიშვილი, თელავის სემინარია და პირველი მისი რექტორი გაიოზ ნაცვლიშვილი, ქ. თევრია, 1881, # 8.

¹² პ. კარბელაშვილი, ძველი ანჩისხატის ტაძარი ქ. ტფილისში, ისტორიული მმოხილვა, ტფ., 1902, გვ. 29.

¹³ J. Raineggs, Allgemeine historisch-topographische Beschreibung des kaukasus, II, 1797, გვ. 108.

¹⁴ ხეც, ფრნდი ჩ- 71.

¹⁵ კამბასობა, II, თბ., 1948, გვ. 191.

¹⁶ ტრ. რუხაძე, დასხ. ნაშრომი.

არის კიდევ ერთი საინტერესო დეტალი, კერძოდ, ანტონ კათალიკოსმა ასტრახანის გაისკოპოს მეთოდეს შეკითხვაზე, თუ ვინ იყო გაიოზი, საპასუხო წერილი მისწერა. ამ ფაქტთან დაკავშირებით პ. ჰემპლიძე წერს: „კათალიკოსის სიტყვები გვაფიქრებინებს, რომ გაიოზი უბრალო, ღარიბი, შეიძლება უპატრონოც ყოფილიყო და, როგორც ასეთი, აუგვანია გასაზრდელად (შემდგომ გამოცემებში: აღსაზრდელად — მ.ც.) ვიღაც თბილისელ დიაჩოქს“,¹⁷ და იქვე დასძენს: „რაც შეეხება კერძოდ იმ აზრს, თითქოს გაიოზის გვარი ნაცვლიშვილი იყოს, ეს უბრალო გაუგებრობაა. გაიოზის და სალომე მისთხოვებია ვიღაც თადეოზ ნაცვლიშვილს, ამათ შესძენიათ შვილი გურგენი, რომელსაც მემკვიდრეობად დარჩენია, გაიოზის გარდაცვალების შემდეგ, მთელი მისი ქონება და ავლა-დიდება; ამ ქონებიდან წიგნსაცავი, რომელიც 273 ნომრისგან შესდგებოდა, გურგენს 1822 წელს შეუწირავს აშტრახანის სასულიერო სემინარიისთვის“.¹⁸

ერთი სიტყვით, დღემდე დაუზუსტებელია გაიოზ რექტორის გვარი და არც დაბადების თარიღია საბოლოოდ დადგენილი, მაგრამ სამაგიეროდ არსებობს უტყუარი მტკიცებულება მისი გარდაცვალების თარიღის შესახებ. ეს არის საფლავის ქა, რომელიც გვამცნობს: „Здесь погребено тело преосвященного гана, архиепископа астраханского д кавказского, скончавшегося в 1821 году февраля на 29 дни, на 82 году от рождения“.¹⁹

ზოგი მიიჩნევს, რომ გაიოზი დაბადებულა 1739 წელს, ზოგის აზრით — 1746 წელს; თავად გაიოზის მიერ რესეთის უწმინდესი სინოდისადმი მიწერილ წერილში სასულიერო აკადემიაში ჩარიცხვასთან დაკავშირებით კი წერია: დაბადების წელი — 1746.²⁰

გაიოზ რექტორი — ასე შევიდა ისტორიაში XVIII საუკუნის უაღრესად გამორჩეული სასულიერო მოღვაწე, მწიგნობარი, დიპლომატი, მქადაგებელი, განმანათლებელი, მესტამბე და, რაც მთავარია, თავის სამშობლოზე უსაზღვროდ შევვარებული დიდი ქართველი. მისი ცხოვრება მჭიდროდ არის დაკავშირებული ანტონ კათოლიკოსთან²¹, რომლისგანაც მოისმინა „ღრამატიკაი, პიტიკისა ხელოვნებაი,

¹⁷ პ. ჰემპლიძე, ქართული ლიტერატურის ისტორია, I, თბ., 1941, გვ. 354.

¹⁸ იქვე, გვ. 355.

¹⁹ ა. ცაგარელი, Сведения о памятниках грузинской письменности, 1894, I, вип. III, ст. 213.

²⁰ ზეც, ფონდი S-# 378.

²¹ ანტონ I, ერისკაცობაში — თეიმურაზ ბაგრატიონი, აღმოსავლეთ საქართველოს კათოლიკის-პატრიარქი, მწერალი, მეცნიერი, განმანათლებელი, გაზტანგ VI მმის, მეფე იესეს და ერეკლე I ქალიშვილის ელისაბედის ვაჟი. კათოლიკოს-პატრიარქობდა ორჯერ 1744-1755 და 1764-1788 წლებში.

რიტორიკაი, ლოღიკაი ბაუმეისტერისა და სხუაი“; ავტორი იქვე დასძენს: „ესე აღზრდილი და განსწავლული იყო კათალიკოზის ანტონის იესე მეფის ძის მიერ. ესე უამსა ამას ძვირფასობდა ქვეყანასა საქართველოსასა და ამის შემდგომად, ღმერთმან უწყის, დაშობა მპსგავსი ამისი მეცნიერი ქვეყანასა ჩვენსა?!“²²

ანტონ კათოლიკოსმა 1765 წელს ბერად აღკვეცა გაიოზი, მანვე აკურთხა ჯერ დიაკვნად, შემდგ კი არქიდიაკვნად. 1772 წელს ერეკლე II რუსეთში წარგზავნა დელგაცია ლეონ ბატონიშვილისა და ანტონ I კათოლიკოსის ხელმძღვანელობით, ამ დელგაციაში ასევე იყო გაიოზიც. დელგაცია ორი წლით დარჩა პეტერბურგში, რითაც ისარგებლა გაიოზმა და სთხოვა ანტონ კათოლიკოსს, დახმარებოდა სწავლის გაგრძელებაში, რაზეც ანტონიც დასთანხმდა.

გაიოზს აღექმისანდრე ნეველის სახელობის სასულიერო სემინარიაში დაუწყია რუსულის სწავლა ტვერის არქიეპისკოპოსის პლატონის მეთვალყურეობით, რომელმაც ასევე შეასწავლა ბერძნული და ლათინური ენები. მოგვიანებით კი ქართულ ენაზე თვით გაიოზმა თარგმნა ეპისკოპოს პლატონის შრომა „ღმრთისმეტყველება“ (1792 წ.).²³

1774 წელს, როგორც ქართულ დელგაციას რუსეთში ყოფნის გადა ამოქწურა, გაიოზმა რამდენიმე ახლობლის პირით კათოლიკოს ანტონს შეუთვალა, რომ სურდა მოსკოვში დარჩენა სასულიერო აკადემიაში სწავლის გაგრძელების მიზნით, მაგრამ ანტონმა კატ-კვირიული უარით უპასუხა და სამშობლოში დაბრუნების კურთხევა მისცა. მიუხედავად ამისა, გაიოზი რუსეთში მაინც დარჩა.

გაიოზის მიერ კურთხევის შეუსრულებლობამ ანტონ კათოლიკოსი ძალიან გაანაწენა. რასაც მის მიერ 1776 წელს ტვერის ეპისკოპოსის მეთოდესადმი მიწერილი წერილიდან ვგებულობთ.²⁴

გაიოზ რექტორი თავისი მასწავლებლის შესახებ წერს: „ანტონმა აღმომიყვანა სიბძელისაგან უმეცრებისა და საქართველოის იწყო შენობად ბედნიერებისად ამის ჩვენისა. მან სორულპყოფა სახლი სიბრძნისა და საქართველოისა ყოვლითა საჭიროთა სწავლულებითა; ამან და საუნჯე სწავლისა ამის სანამ დიდსა ქმნილთა და თარგმნითა წერილთა სასიბრძნოთი. მან გულსმოდგინებით თვისით პყო ათინად მამული თვისი, რომელიცა უწინარეს ამისა ვითარცა სიბძელესა შინა უმეცრებითსა დაფარული იყო“.²⁵

²² ხეც, ფონდი H-# 2510.

²³ ხეც, ფონდი S-# 28.

²⁴ ხეც, ფონდი H-# 2510.

²⁵ ხეც, ფონდი S-# 29.

გაიოზი მოსკოვის სასულიერო აკადემიაში სწავლობდა თავისი საფასით და სულთმოფენობის სახელობის მამათა მონასტერში ცხოვრობდა. სწავლის პერიოდში, 1776 წელს ერეკლე მეორის დავალებით გაიოზს ბერძნულიდან უთარგმნია „წიგნი ქმნილი აღაპიტაკონის მიერ კონსტანტინეპოლელისა დიდისა ეკლესიისა, მირთმეული ბერძენთა იმპერატორისა დიდისა იუსტინიანეს მიმართ, ოდესიგი მიიღო მან საყდარი კოსტანტინეპოლისა“²⁶, ასევე უთარგმნია „მიმოსვლა ბარონ დე პოლნიციისა, აღწერილი ისტორიისა და გეოგრაფიის გვარად“²⁷, რომელიც მიუძღვნია ბატონიშვილის გიორგი გახტანგის ძისთვის. მკვლევრები უაღრესად საინტერესოდ მიიჩნევენ გაიოზ რექტორის მიერ 1777 წელს თარგმნილ და მეფე ქაიხოსროს ქალიშვილის ანასთვის მირთმეულ „კატაის სიბრძნეს“, რომელიც თბილისში დაიბეჭდა 1784 წელს.²⁸

1778 წელს ერეკლე მეორის თხოვნით გაიოზმა დროებით დატოვა მოსკოვი და თბილისში დაბრუნდა. დაბრუნებისთვავე დააფუქმნა რუსული სკოლა²⁹. მალე ხელი დაასხეს მღვდელმონაზვად. ამავე პერიოდში მანვე შეადგინა ანტონ კათოლიკოსის ნაშრომის „ღმრთისმეტეკველება“ საძიებელი.

1780 წელს გაიოზი რუსეთის წმიდა სინოდის მიერ მიწვევულ იქნა მოსკოვში, სადაც ებოძა იღუმენის წოდება. იქვე დაპყო ორი წელი და 1782 წელს საიმპერატორო კარის დავალებით ერეკლე მეორესთან პოლიტიკურ დაალოგიში ჩართვის მიზნით საქართველოში დაბრუნდა.

გაიოზი რუსეთში ცხოვრება-მოღვაწეობის წლებში მთვიდა იმ დასკვნამდე, რომ რუსეთის მოკავშირეობის გარეშე საქართველო ვერ დაძლევდა აღმოსავლურსა და ვეროპულ პოლიტიკურსა და სულიერ აგრძესას.

1782 წლის 28 მაისს ქ. თელავში გაიხსნა სასულიერო სემინარია, რომლის ფუძემდებელი და რექტორი (1783 წლამდე) სწორედ გაიოზი გახლდათ. სემინარია ჩამოყალიბდა მოსკოვის სლავურ-ბერძნულ-ლათინურ სტილზე, რექტორობის დროს გაიოზმა გამოავლინა მაღალი პედაგოგიური აზროვნება და აღმზრდელობითი უნარ-ჩვევები. ქართულად თარგმნა რუსეთის იმპერატორის პეტრე პირველის მიერ დამტკიცებული „წესდება“³⁰.

²⁶ ხეც, ფონდი S-# 71.

²⁷ ხეც, ფონდი S-# 100.

²⁸ ხეც, ფონდი Q- # 251.

²⁹ ღ. გვრიტიშვილი, შ. მესხია, თბილისის ისტორია, თბ., 1952, გვ. 198.

³⁰ ხეც, ფონდი S- # 794.

მოსკოვის სასულიერო აკადემიის მსგავსად თელავის სასულიერო სემინარიაშიც იმართებოდა სტუდენტთა დისპუტები სამეცნიერო საკითხებზე, ეწყობოდა საჯარო ლექციები... თელავის სასულიერო სემინარიამ განათლებისა და მეცნიერების განვითარების საქმეში ფასდაუდებელი წვლილი შეიტანა.

ნ. კანდელაკის შეფასებით გაიოზ რექტორი იყო „დიდი ორატორი, მჭერმეტყველი, მქადაგებელი, გამორჩეული პომილეტიც და ღირსეული ორგანიზატორი“.³¹

სემინარიაში ისწავლებოდა ღმრთისმეტყველება, ლიტურგიკა, რიტორიკა, ფილოლოგია, ფილოსოფია, გრამატიკა, ისტორია, არითმეტიკა და სხვ.³² ძველი მსოფლიოს ისტორიის კურსს კითხულობდნენ შარლ ლორენის წიგნის „ძველი ისტორიის“ მიხედვით, რომელიც შედგებოდა 11 ტომისგან და რომლის ქართულად თარგმნა გაიოზ რექტორს დაუწყია.³³

სამწუხაროდ თუ საბერინიეროდ, გაიოზი იძულებული შეიქნა, დაეტოვებინა თელავის სასულიერო სემინარიის რექტორის თანამდებობაც და სამშობლოც, რადგან იგი ერეკლე მეორის მიერ დაინიშნა გეორგიევსკის ტრაქტატის მომზადების კომისიის წევრად და გაიგზავნა მოსკოვში 1783 წლის ივნისში.

გაიოზი უაღრესად შორსმჭვრუტელი და ჭკვიანი დიპლომატი აღმოჩნდა. მან კარგად გააცნობიერა ერთორიწმუნეობის მნიშვნელობა და ამიტომ მთელი არსებით ჩაერთო პოლიტიკურ-დიპლომატიურ საქმიანობაში, რამაც უდიდესი შედევი გამოიღო. გაიოზმა ჯერ ერეკლე II-ის, ხოლო მერე რუსეთის იმპერატორის ნდობა და პატივ-ისცემაც დაიმსახურა.

ზოგი მიიჩნევს, რომ დელგაციებსა და პოლიტიკურ შეხვედრებში გაიოზი მონაწილეობდა როგორც რუსული ენის კარგი მცოდნე, მაგრამ XIX საუკუნის მიწურულს ნ. მთვარელიშვილმა დასვა შეკითხვა: „თუ გაიოზი მესამე ვექილად იყო ხელშერულების მომზადების და დადების პროცესში (საქართველოს ეკლესიის მხრით), რატომ ამას ხელი არ უწერია ხელშეკრულებაზე და ამის შემდეგ რაღად დარჩა რუსეთში?“ და იქვე პასუხობს: „რა თქმა უნდა, რომ ამის აზრსაც მოქმედება ექნებოდა საქართველოს ვექილებზეც, ხელშეკრულებაზე საუბრის დროს“.³⁴

³¹ ნ. კანდელაკი, ქართული მჭერმეტყველება, თბ., 1958, გვ. 193 (ვნახოთ).

³² ტრ. რუსები, ქართულ-რუსული ლიტერატურული ურთიერთობები, თბ., 1961, გვ. 237.

³³ იქვე, გვ. 240.

³⁴ ნ. მთვარელიშვილი, ქ. ფერია, 1881, # 9.

საქმე ისაა, რომ საქართველოს და რუსეთის ადგილობრივი ეკლესიები იფიციალურად არ მონაწილეობდნენ გეორგევსკის ტრაქტატის რატიფიცირებაში, ამიტომ დოკუმენტზე ვერ აისახებოდა გაიოზ რექტორის ხელმოწერა, რაც სრულებითაც არ აკნინებს მის როლსა და ფუნქციას. „უნდა აღინიშნოს, რომ გაიოზი იყო ის პიროვნება, რომელმაც ერთ-ერთი გადამწყვეტი როლი შეასრულა გეორგევსკის ტრაქტატის მოშადებისა და დაღების საქმეში. თავისი განათლებით, ერულიციით და საქმის ცოდნით ის ბევრად მაღლა იდგა ოფიციალურ წარმომადგენლებზე – იგანე ბაგრატიონსა და გარსევან ჭავჭავაძეზე. თუ რატომ არ აქვს ხელი მოწერილი გაიოზს ოფიციალურ დოკუმენტზე, შეიძლება ვეძიოთ იმაში, რომ მას, როგორც სასულიერო წრის წარმომადგენელს, ამის რწმუნებულება არ გააჩნდა. გაიოზი რომ ერთ-ერთი წამყვანი პირი იყო ხელშეკრულების დადების დროს, ამაზე ოფიციალური დოკუმენტები მიგვითითებენ და ამაზევე მეტყველებს მისი შემდგომი პოლიტიკური მოღვაწეობა“.³⁵

ხელნაწერთა ეროვნული ცენტრის ფონდები ინახავს უაღრესად საინტერესო მასალებს, ერთ-ერთ მათგანში გაიოზ რექტორის ღვაწლი ნათლად და დაუფარავად წარმოუჩენია რუს გენერალს პავლე პოტიოდების: „ელჩინი მათი ბრწყინვალება კნიაზ ფან-სტანტინოვიჩი ბაგრატოვანი, და კნიაზ გარსევან რევაზიჩი ჭავჭავაძე და გვრეთვე მომჭირნეობა და ერთგულება მამა არხიმანდრიტისა გაიოსისა“³⁶ და სხვ.

გაიოზ რექტორის დამოკიდებულება საქართველო-რუსეთის ურთიერთობებსა და ერკლე II-სადმი ნათლად გამოვლინდა იმ სიტყვაში, რომელიც მან წარმოსთქვა თბილისის სიონის საკათედრო ტაძარში გეორგიევსკის ტრაქტატის დადებიდან ერთ თვეში, 1783 წლის 20 აგვისტოს³⁷. აგრეთვე, გაიოზისა და ანტონ კათოლიკოსის მიმოწერილან ნათლად ჩანს გაიოზის წუხილი საქართველოს ბედზე და იმედი რუსეთის მხრიდან შემწეობისა: „არც რუსეთი საქართველოზე ხელს არ აიღებს და ვერც აღა-მახმად-ხანი მოვა კიდევ მაგაზედ... აღამამადხანი, თუ კიდევ ცოცხალი არის სადმე, ამას ვეღარ გაბედავს, რომ რუსეთი აიშალოს კიდევ და არც აგრე გიჟია აღამამადხანი რომ კიდევ ის ქართლზე მოვიდეს. და რომ მოვიდეს, რაღა უნდა წაიღოს. სჯობს რიგიანად მოიქცნენ და არ აირთნენ, თორემ მაგ არეულობით აღამა-

³⁵ მ. დარჩია, გაიოზ რექტორი, თბ., 1961, გვ. 100.

³⁶ ხეც, ფონდი H- # 2507.

³⁷ ეს სიტყვა პირველად გამოქვეყნდა შურნალში “დროშ”, შ. ხანთაძის. წინასიტყვაობით 1959 წ. # 5.

მადხანს აღარავინ მოუცდის... იმპერატორი აგრე უიმედოთ არ გაუშვებს საქართველოს და საიმედოც აქეს, რომ საქართველოს იმედიან ბინას დაუდებს და არც მტრის პირში გაუშვებს. ისეთ ბინას დაუდებს, რომ ის ბინა საუკუნოდ აღარ მოეშალოს ქართლს“.³⁸

თანამედროვეთა და შემდგომი თაობების მეცნიერთა გამოკვლევებით დადასტურდა, რომ გაიოზს არასოდეს უდალატია თავისივე სიტყვებისთვის: „რათა ყოველი წესი თვისისამებრ ძალისა მარად მეცადინეობდეს მსახურებად მამულისადმი“.³⁹ გარდა იმისა, რომ რუსეთის ეკლესიის წმიდა სინოდმა გაიოზი ეპისკოპოსის ხარისხში აღიყვანა, ფაქტობრივად, ის ითვლებოდა საქართველოსა და რუსეთს შორის ელჩად, მთავარ დიპლომატად.

გეორგიევსკის ტრაქტატის გაფორმების შემდეგ, გაიოზი დაინიშნა ოსეთის საქმეების შემსწავლელი საიმპერატორო კომისიის მთავარ წევრად (თავმჯდომარეობდა თვით იმპერატორი) და მანვე მოამზადა ოსური ანბანი.

1784 წელს პეტერბურგში, მთავარ ტაძარში რუსეთის წმიდა სინოდის წევრებმა გაიოზი აკურთხეს არქიმანდრიტად. კურთხევას დასწრებია რუსეთის იმპერატორი ეკატერინე II, რომელიც ძალიან აფასებდა გაიოზ რექტორს და ხელს უწყობდა მის დაუღალავ საქმიანობაში.

საინტერესოა გამოჩენილი რუსი მოღვაწის, გრიგოლ პოტიომკინისა და გაიოზ რექტორის მეგობრობა, რის დასტურსაც წარმოადგენს პოტიომკინთან ერთად ჯერ უკრაინაში (1785-1789 წწ.), შემდეგ კი მოლდავეთში (1789-1792 წწ.) გატარებული წლები. გაიოზ რექტორი პოტიომკინის მთავარი მრჩეველი იყო. გარდა იმისა, რომ გაიოზი პოტიომკინთან ერთად ეწეოდა უმნიშვნელოვანეს სახელმწიფოებრივ თუ პოლიტიკურ საქმიანობას, თარგმნიდა და წერდა ორიგინალურ ნაშრომებს, რომელთა შესახებ საცნაური ხდება ხელნაწერთა ეროვნული ცენტრის ფონდებიდან (ხეც, ფონდი S-№ 35, 172, 378, H-№ 2293, 3112 და სხვ.).

1793 წლის 29 მაისს არქიმანდრიტ გაიოზს ეპისკოპოსად დაასხეს ხელი და განამწესეს მოზღვოკის ეპარქიის მმართველად. მანამდე კი ერთი წელი ოფიციალურად მართავდა ასტრახანის ეპარქიას.

როგორც ნ. მთვარელიშვილი წერს: „გაიოზი გამოირჩეოდა პასუხისმგებლიანობითა და თავდადებული საქმიანობით. ამიტომაც

³⁸ ხეც, ფონდი Hd- # 122.

³⁹ ხეც, ფონდი H- # 70.

მიანდგეს მას ძნელად მოსავლელი მოზღოველების დამწყემსება. რა-შიაც ხელს უწყობდა იმპერატრიცა ეკატერინეს მიერ ბოძებული გა-ფართოებული უფლებები და ნდობა, რომელიც მან გაამართლა“.⁴⁰

1799 წლის 16 ოქტომბერს გაიოზი გადაყვანილ იქნა სარატოვისა და პენზის ეპისკოპოსად, ამ ეპარქიას განაგებდა 1808 წლამდე. 1808 წელს გაიოზი გამოარჩიეს ასტრახანისა და სტავროპოლის ეპარქიის მმართველად და აღიყვანეს მთავარეპისკოპოსის პატივში.

ყველგან, სადაც კი გაიოზ რექტორმა იმოღვაწეება, დატოვა ღრმა ნაკვალევი. „მან ყველგან დაიმსახურა საერთო სიყვარული და დაუვიწყარი ხსოვნა“. ⁴¹ იოანე ბატონიშვილი წერს: „გაიოზი იყო აღზრდილი კათოლიკოზის ანტონისაგან საფილოსოფოსოთა და სა-ლმრთისმეტყველოსა სწავლასა შინა, ზედმიწვნით ფლობდა რუსულ ენასა, ლათინურსა, სომხურსა და ბერძნულსა, თავადვე იყო აღმზ-რდელი მრავალთა და მრავალთა“.⁴²

დავით ბაგრატიონი გვამცნობს: „წელსა ამასა 1821, თებერვალში 21, გარდაიცვალა არხიეპისკოპოსი გაიოს, ქართველი თაყაშვილი. ასტრახანს მისი ეპარქიელი იყო. ესე იყო ფრიად განსწავლულ რუ-სულსა, ქართულსა და სომხურსა ენასა ზედა. ამან თარგმნა რუ-სულიდამ უმრავლესნი წიგნი, ვითარცა სამოქალაქო, ეგრეთვე საეკლესიონი ვიდრე 400-მდე; ამან გამართა დაბადება რუსულისა-გან და ლათინთა და ბერძნთაგან, რაიცა აკლდა ქართულსა დაბადე-ბასა, შემატა. ესე მიიცვალა წელსა 75“.⁴³

დღეს ჩვენთვის კიდევ უფრო ფასეულია გაიოზ რექტორის სიტყვა წარმოთქმული სიონის ტაძარში, რათა თანამედროვე საზოგადოებამ დაინახოს რეალობა და ამ რეალობიდან გამომდინარე საფრთხეები, რასაც გვიქადის უსიყვარულობა, ურწმუნოება, კეთილმეზობლურ ურთიერთობათა გწყვეტა და წარსულის ლაფში ამოსვრა; ამასთან, რათა ცხადად შევიგრძნოთ მართლმადიდებლობის ძალა და ამ ძა-ლით გამოწვეული გადარჩენის სიხარული.

⁴⁰ ნ. მთვარელიშვილი, ჟ. ივერია, თბ., 1881, # 12.

⁴¹ პ. ქმედიძე, დასახ. წიგნი, გვ. 356.

⁴² იოანე ბატონიშვილი, კალმარბა, II, თბ., 1937, გვ. 192.

⁴³ მასალები საქართველოს ისტორიისათვის, შეკრებილი დავით და ბაგრატ ბაგრატიონების მიერ, გამოცემულია ტფ., 1905, გვ. 157

გაიოზ რექტორის სიტყვა⁴⁴

„შეერთებისათვის და მფარველობისა სამეფოსა საქართველოსა რუსეთის იმპერიისა თანა წელსა 1783 აგვიტოს 20 და თანამდებობითისა მადლობისა ესოდენისათვის მოწყალებისა ღვთის.

თქმული სამეფოსა ქალაქსა ტფილისს,

ეკლესიასა შინა კათოლიკესა ყოვლად წმიდისა ღვთის მშობლის მიცვალებისასა არხიმანდრიტისა და თელავის სემინარიის რექტორის გაიოსის მიერ და აკურთხენ ღმერთმან დრო ესე, და განამტკიცენ მაღალმან მარჯვენა ეკატერინა დიდის მფარველობასა ზედა საქართველოსასა და განაგორძვენ ღმერთმან დღენი კეთილმსახურისა მეფის ჩვენისა ირაკლი მეორისა, აღსარებასა შინა უმაღლესი სახელმწიფებისა ყოვლისა რუსეთის საიმპერატორო ტახტისასა.

მოდრე ღმერთი უმდაბლესსა თხოვასა ზედა, პირველთა კეთილმსახურთა მეფეთა ჩვენთასა და მიიღო ივი ანინდელმან ბედნიერობით მმეფობმან კეთილმსახურმან ხელმწიფემან ჩვენმან მეფემან ირაკლი, ვითარცა დაუნჯებული მამათა მიერ საუნჯე.

რაიმე შევსწიროთ შენდა ქველის მოქმედო ღმერთო ჩვენო! ვითარ ცხად ვჰყოთ სიდიდე ესოდენისა ქველისა მოქმედებისა, რომელიცა მოკვინე მამულსა ჩვენსა.

გარნა შემძლებელ ვარ თქმად, ვითარმედ ღვთისა მიერი ქველისმოქმედება ესე არა ეგოდენ საკუთარი მეფისათვის, რაოდენცა სამფლობელოთა მისთათვის, და თუმცა გონიერება

⁴⁴ „როგორც ცნობილია, 1783 წლის 24 ოქტომბერის ჩრდ. კაუკასიაში, ქ. გეორგიევსკში ხელმწიფო იქნა მეორიმობისა და მფარველობა-მოცაუშირების ხელშეკრულება რუსეთისა და ქართლ-კახეთის სამეფოს შორის. ეს იყო დიდი მნიშვნელობის მოულენა, როგორც საქართველოს, ისე რუსეთის პოლიტიკურ ცხცოვრებაში. 1783 წ. 20 აგვისტოს, თბილისში, სიონის ტაძარში, სახეობო შეკრება მოწყვე, სადაც ამ სასიხარულო მოვლენის აღსანიშნავად სიტყვა წარმოუთქმას ცნობილ ქართველ პედაგოგსა და კულტურულ მოღვწეს, თულავის სასულიერო სემინარიის რექტორს გაიოზ თაყაშვილს (ბარათაშვილს, 1746-1821 წ.). გაიოზის ეს სიტყვა ნათელ წარმოდგენას გვაძლევს ქართველი საზოგადოების დამოკიდებულებაზე რუსეთთან ხელშეკრულების დადგისადმი. კარგად ჩანს, რომ ამ ამბავს ქართველებს შორის საყოველოთი სისარტყელი გამოუწვევა. გაიოზ რექტორის სიტყვა, 1783 წლის რუსეთ-საქართველოს ხელშეკრულებასთან დაკავშირებით, მეტად საფურადლებო დოკუმენტია ქართველი საზოგადოების პოლიტიკური აზროვნების დახასიათებისათვის მე-18 საუკუნის დამლევს. არაფერს გამბობთ იმის შესახებ, რომ იგი საფურადლებო ძეგლია ქართული მჭვერმტყველებისა. სიტყვა შემონახულია იოანე ბატონიშვილის ხელნაწერთა კოლექციაში (ხელნაწერი # 219), რომელიც ლენინგრადში, საღატი ჯო-შედრინის სახელმწიფო საჯარო ბიბლიოთეკის ხელნაწერთა განყოფილებაშია დაცული და ქვემდება პირველად. შ. ხანთაძე“. ჟ. „დოროშა“, №5, 1959.

თქვენი, პატიოსანო მსმენელნო! სრულებით ჰერძნობს სიდიდე-სა ამის ღვთისა მიერისა მონაცემებისასა, ვითარცა დაამტკიც-ებს მხიარულებითა ესე შეკრულება თქვენი, გარნა მიხედეთ და-სასრულებითა მიზეზთა მისთა.

კაცი ოდეს ალიძერის ხელყოფად საქმისა რაისიმე, მყისვე გამოხატავს თვის შორის ვითართამე სასარგებლოთა დასას-რულთა, რომლისათვისცა გულსმოდგინე არს სრულყოფად მისა, სიტყვისამებრ საღმრთოსა წერილისა, „ვითარმედ კაცი საქმისა მიმართ კეთილსა განმგეკიცებულ“. და შემდგომად სრულყოფი-სა საქმისა მის ჰერძნობს თვის შორის გამოუთქმელსა სიხა-რულსა, შემეცნებისამებრ ბრძნისა სოლომონისა: „და ვიხილე, რამეთუ არს კეთილი, რომელ იხაროს კაცმან ქმნულთა თვისთა ზედა, რომელნიცა იქმნებიან შემდგომად მისა“. რომელისა მარ-თლისამებრ პატივისცეთ ბედნიერობითსა ამას საქმესა კეთილ მსახურისა მეფისა ჩვენისასა და პატივ ვჰსცეთ, ვითარცა ქველისმოქმედებასა ღვთისა ყოვლისა მპყრობელისასა, რომელ-მანცა უპყრა ხელი მარჯვნივ ცხებულსა თვისსა იმპერატრიცა ეკატერინა ალექსივნისა, მპყრობელსა სრულიად რუსეთისასა და ნინაძლომითა თვისითა დაუვაკნა მთანი იგი შეუვალნი კა-ვკასიისანი, და პორფირისა მისისა სიგრილითა დაპფარა მამ-ული ჩვენ და სკიპტრისა მისასა შარავანდედითა განამტკიცა სკიპტრა კეთილმსახურისა მეფისა ჩვენისა. ჰოი, ნიჭხა ყოვლად მდიდრისა და ქველისა მოქმედებასა მაღლისასა დაულევნელსა.

ამას ბედნიერობითსა შემთხვევასა შინა ვის ჩვენგანისა არს გული მყარი, რომელიცა არა ჰერძნობდეს თვის შორის გამო-უთქმელსა სიხარულსა და დღესასწაულობით არა მოუთხრობდ-ეს მილოცვითსა ხმასა განსვენებისა თვისისასა.

და ვინათვან ყოველი მოცემა კეთილი და ყოველი ნიჭი სრული ზეგარდმო არს, ამისათვის თანამდებ ვართ, რათა მაღლისადმი მსხვერპლად სიმართლისა შევსწიროთ მაღლობაი მხურვალითა გულითა, ვითარცა დასრულებითი მიზეზი შეკრებულებისა ამის ჩვენისა.

ესე ვითარისა ამის მაღლობისა დასაბამად ვჰყოთ ვედრებაი საყდრისადმი ღვთისა ყოვლისა მპყრობელისა განვრდელებისათ-ვის დღეთასა კეთილმსახურისა მეფისა ჩვენისა, ვითარცა მამისა მოღვანისა, რომელმანცა ძლიერებისა თვისისა სისხლნი ნარ-მოაცალიერნა ოფლითა სიმხნისა შრომისათა უვნებლად დაცვი-

სათვის სამფლობელოსა თვისისა და მარადლე მოურულებლად სციდა ერსა თვისისა გარემოს მყოფთა მძვინვარეთა მტერთავან, რომელნიცა ნიადაგ ჰლამობდენ განბძარვასა მისსა და შემდგომად ესე ვითარისა სიბრძნისა საჭითა მიაყენა ნავთსაყუდელსა უღელვოსა და მსეცთა მათ მძვინვარეთა, რომელთაცა აღეშემოთ პირნი და ბრჭყალნი შთანთქმად და განბრძარვად, ერთსა მას განუმზადა მახვილი იგი მკვეთრი და მეორესა ბურთი ცეცხლისა სოფელსა შინა დიდებულისა და საკვირველისა რუსეთის ძალისა, რომელმანცა საშინელითა ქუხილითა თვისითა დააჯაბნა ვითარცა კურდღელნი ლომად მგონებელნი თავთა თვისითანი.

და შენ სამღვდელოო პირო და მიზეზო ამის ყოვლისა კეთილობისაო, რომელმანცა სამეფო შენი შემოზღუდე უძლეველითა და სოფელსა შინა საკვირველითა რუსეთის ძალითა და პორფირითა რუსეთის საიმპერატოროს ტახტისათა წარგარვნე სკიპტრა მეფობისა შენისა, რომლითაცა დაამტკიცე საუკუნო მშვიდობა და მყუდრობა ერისა შენისა და მით სრულ ჰყვეთ თანამდებობითი იგი შეკრულება, რომლისთვისცა დაგადგინა შენ ღმერთმან თავად ერისა თვისისა. ამისთვის მადლობადცა მისა უმეტეს ყოვლისა თავი შენი ათანამდებე და ერისა ამის შენისა მსხვერპლად ქებისად შენირული მადლობაი მიართვი ყოვლად მაღალსა, რათა შენ მიერისა ამის განზრანულისა სიმტკიცე უკუნისამდე ეგოს როსიისა ერთობასა შინა და აღსარებასა უმაღლესისა ხელმწიფებისა როსიისა იმპერატორთასა, ამინ”.

გაიოზ რექტორი რიტორიკული პათეტიკით ქებას უძღვნის რუსეთის იმპერატორს ეკატერინე მეორეს და ქართლ-კახეთის მეფეს ერეკლე მეორეს, რომელთა ძალისხმევით მომზადდა და გაფორმდა გეორგიესკის ტრაქტატი (შეკრულობა), ის განუმარტავს საზოგადოებას ხელშეკრულების მნიშვნელობასა და დამსახურებას რუსეთის სახელმწიფოს, რომელიც არის გარანტი ქართველთა ეროვნული თვითყოფადობის შენარჩუნებისა და უშიშროების უზრუნველყოფისა.

ეს სიტყვა არის პოლიტიკური ხასიათის უმნიშვნელოვანესი ძეგლი. გაიოზ რექტორმა იგი წარმოსთქვა ტაძრის ამბიონიდან და ჯერ კიდევ XVIII საუკუნის გადმოსახედიდან აგვისენა ის ისტორიული გარემოებანი, რომელმაც გეორგიესკის ტრაქტატის გაფორმება განაპირობა. დრომ ტრაქტატს ბეჭედი დაუსვა: ქართველთა გადარჩენა და სამშვიდობო გზაზე გაყვანა მხოლოდ რუსეთმა შეძლო.

„....უფრო ძლიერი და უფრო ცხოველი იყო ამ პერიოდში რუსული გავლენა. ერთმორწმუნე რუსებში ქართველებმა დაინახეს ბიზანტიისა და მისი კულტურის, მისი მისის მემკვიდრენი, ამიტომ ისეთვე სასოებით და რწმენით დაუწყეს მათ ცქერა, განსაკუთრებით მას შემდეგ, რაც კონსტანტინეპოლი დაეცა, როგორითაც ბერძნებს უცემერდნენ წინეთ. რუსეთისადმი ღრმა ერთგულებამ განსაკუთრებით თვითი იჩინა მეთვრამეტე საუკუნეში; რუსების პოპულარობას ჩვენში ხელს უწყობდნენ განსაკუთრებით ის პირნი, რომელნიც რუსეთში გადასახლდნენ ანდა იქ ცხოვრება უხდებოდათ სამსახურის და სხვა რამე მიზეზით. ასეთებია, მაგალითად, მეფე არჩილი, ვახტანგ VI, ანტონ კათალიკოსი, იოსებ სამებელი, მიტროპოლიტი რომანოზი, გაიოზ რექტორი და სხვ“.⁴⁵

„არა რად არს ესრეთ ტებილ, ვითარცა სიყვარული მამულისა“, — გაიოზ რექტორმა ეს სიტყვები ყველა მართლმადიდებელი ქრისტიანის და ყველა ჭეშმარიტი ქართველის გასაგონად დატოვა. მით უმეტეს წმიდა ილია მართალიც იგვე პურით გვაპურებდა საუკუნენახევრის წინ: „აი, სად და რაში პპოულობდა ჩვენი უწინდელი სამღვდელოება თავის სულიერს და ხორციელს ღონეს, თავის ძლიერებას, პატივისცემას! აი, როგორ გაიმაგრა სამღვდელოებამ სარწმუნოება ქრისტეში ამ პატარა ქვეყანაში, რომელსაც გარშემო ვეშაპი მტრები ქვეივნენ და ჰლამობდნენ, ქრისტიანობა ძირიანად ამოედოთ. აი, რამ მოაგერიენებინა ამ პატარა ქვეყანას აუარებელი მტერი! მამული და ეროვნება მოაშველა სამღვდელოებამ რჯულს, რჯული — მამულსა და ეროვნებას, და ურეთ მოძღვრებულმა ერმა ეს სამება წაინძლვარა წინ, ათასეუთასი წელიწადი ომითა და სისხლისღვრით გამოიარა და ქართველს ბინაც შეუნახა და ქართველობაცა“.⁴⁶

ღმერთმა მოანიჭოს ქართველ ერს გული გონიერი, რათა გაიოზ რექტორის მსგავსად რწმენით შევუდექთ საქართველოს გადარჩენის და გამთლიანების სამამულიშვილო საქმეს, იმ საქმეს, რომელიც ჩვენივე ნებითა და უგუნურობით ძირი გამოვუთხარეთ!

⁴⁵ ქ. ქველიძე, დასხ. წიგნი, გვ. 70.

⁴⁶ ი. ჭავჭავაძე, გაზ. ივერია, 1888, # 9.